

14 февраля 2021 года. Неделя 36 по Пятидесятнице. Предпразднство Сретения Господня.
Мученика Трифона. Глас 3.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 3:

Хор:

Ирмос: **Воды древле/ манием Божественным/ во единое сонмище совокупный/ и разделивый море Израильским людем,/ Сей Бог наш/ препрославлен есть.// Тому Единому поим, яко прославися.**

Припев: **Слава, Господи, святому Воскресению Твоему.**

Тропарь: **Иже землю осудив,/ преступльшему потом изнесті плода терние,/ от терния венец из руки законопреступныя,/ Сей Бог наш, плотски приемый,// клятву разрушил есть, яко прославися.**

Припев: **Слава, Господи, святому Воскресению Твоему.**

Тропарь: **Победитель и Одолетель смерти,/ иже смерти убоився, явися:/ страстную бо плоть одушевленную прием,/ Сей Бог наш, и брався с мучителем,// вся совоскреси, яко прославися.**

Припев: **Пресвятая Богородице, спаси нас.**

Богородичен: **Истинную Богородицу вси языцы славят Тя, без семени рождшую:/ сошед бо во утробу освященную Твою,/ Сей Бог наш, Еже по нам осуществовася,// Бог же и Человек из Тебе родися.**

КАНОН БОГОРОДИЦЫ, ГЛАС 3:

Припев: **Пресвятая Богородице, спаси нас.**

Тропарь: **Колено приклоняет всяко естество небесных, Дево,/ воплощшемуся из Тебе,// со земными же достолепно преисподняя, яко прославися.**

Припев: **Пресвятая Богородице, спаси нас.**

Тропарь: **О примирений Яже в Тебе!/ Благих бо неизвестно Податель,/ яко Бог Духа Божественного подавый нам,// плоть от Тебе, Отроковице, прият, яко прославися.**

КАНОН ПРЕДПРАЗДНСТВА СРЕТЕНИЯ, ГЛАС 4:

Припев: **Слава Тебе, Боже наш, слава Тебе.**

Тропарь: **Сердца якоже рuce вси предуготовльше,/ приходяща днесь Христа чисте приимем// и Того Духом Божественных дарований насладимся.**

Припев: **Слава Тебе, Боже наш, слава Тебе.**

Тропарь: **Двери предотверзши днесь, иже в законе храм,/ Законодавцу и Создателю устрояет входы светлы// и готовит честныя дары Ему Бо-**

жественное хваление.

Припев: **Слава Тебе, Боже наш, слава Тебе.**

Тропарь: **Воспою Тебе, Господи Боже мой,/ младенствовавшему плотию, и закону повинувшемуся, // и спасшему человека, егоже ради был еси Человек.**

Припев: **Пресвятая Богородице, спаси нас.**

Богородичен: **Разумев ветхий, Пречистая, храм Тя, Владычице,/ Владыце всех и Богу жилище чисто // лик проповедаше, величая славу Твою.**

Канон мученика Трифона, глас 8:

Припев: **Святой мучениче Трифоне, мой Бога о нас.**

Тропарь: **Войстинну Божественныя на Небесех сладости наслаждаясь,/ яко непобедим страдалец, // твоими молитвами душу мою избави от страстей смущения.**

Припев: **Святой мучениче Трифоне, мой Бога о нас.**

Тропарь: **Глаголы Божественными огласився,/ совершил еси сия преславные деятели, // святыню возлюбив и целомудрие облобызав.**

Слава Отцу и Сыну и Святому Духу.

Тропарь: **Был еси истинно пастырь,/ пасый души твоя в мудрости помышления,/ души обращая заблуждающих // и Богу приводя, славне.**

И ныне и присно и во веки веков, аминь.

Богородичен: **Просвещаяши мя сиянием мысленным,/ осияние славы рождающая Отчее,/ Всенепорочная Отроковице, // и мрак греховный разоры.**

Катавасия Сретения, глас 3:

Хор: **Сущу глубородительную землю/ солнце нашествова иногда:/ яко стена бо огусте обаполы вода людем пешомореходящим,/ и богоугодно поющим: // пойм Господеви, славно бо прославися.**

Песнь 3:

Канон Воскресный, глас 3:

Хор:

Ирмос: **Иже от несущих вся Приведый,/ Словом созидаемая,/ совершаемая Духом,/ Вседержителю Вышний, // в любви Твоей утверди мене.**

Припев: **Слава, Господи, святому Воскресению Твоему.**

Тропарь: **Крестом Твоим постыдися нечестивый,/ содела бо яму, юже ископа, впадe:/ смиренных же вознесся, Христe, рог, // во Твоем воскресении.**

Припев: **Слава, Господи, святому Воскресению Твоему.**

Тропарь: **Благочестия проповедание языком,/ яко вода покры моря, Человеко-**

любче:// воскрес бо от гроба, Троический открыл еси свет.

Припев: **Пресвятая Богородице, спаси нас.**

Богородичен: Преславная глаголана быша о Тебе,/ Граде Одушевленный присно Царствующаго:// Тобою бо, Владычице, сущим на земли Бог спожил есть.

Канон Богородицы, глас 3:

Припев: **Пресвятая Богородице, спаси нас.**

Тропарь: Жезл из корене Иессеова, пророчески прозябши Дева,/ цвет Тя, Христэ, возсия нам:// Свят еси, Господи.

Припев: **Пресвятая Богородице, спаси нас.**

Тропарь: Да Божественному причастию земнородныя соделаеши,/ от Девы плоть нашу Ты, обнищал еси, прием:// Свят еси, Господи.

Канон Предпразднства Сретения, глас 4:

Припев: **Слава Тебе, Боже наш, слава Тебе.**

Тропарь: Взыграшася мысленно,/ яже в дому Божии шествия,// Царя Христа хотяща плотию прияти.

Припев: **Слава Тебе, Боже наш, слава Тебе.**

Тропарь: Яко честныя/ Христа предуготовльше днесь, вернии, дары приятны, хвалу,// Сего с радостию усрящем.

Припев: **Слава Тебе, Боже наш, слава Тебе.**

Тропарь: Ныне прейде сень и предыде истина, благодати пришедши,// ныне подыми Христа, Симеоне.

Припев: **Пресвятая Богородице, спаси нас.**

Богородичен: Престя еже в сенех и образных начертаниих вещание:// Истина бо, Чистая, Тобою явися концем.

Канон мученика Трифона, глас 8:

Припев: **Святыи мучениче Трифоне, мой Бога о нас.**

Тропарь: Притупил еси силу гордаго,/ славный мучениче Христов,/ свыше одеваяся силою.

Припев: **Святыи мучениче Трифоне, мой Бога о нас.**

Тропарь: Плотию обложен,/ шатания безплотного угасил еси врага// и воплощенного Бога Слова проповедал еси.

Слава Отцу и Сыну и Святому Духу.

Тропарь: Единым токмо пришествием твоим/ духи лукавствия отгоняются,// Духа Святаго гоними Благодатию.

И ныне и присно и во веки веков, аминь.

Богородичен: **Имѣя** Тя по́мощь, не постыждуся,/ Пречі́стая Ма́ти Бо́жия,// имѣя Тя предста́тельницу Жی́зни моея́, спасуся.

КАТАВА́СИЯ СРѢ́ТЕНИЯ, ГЛАС 3:

Хор: **Утвержде́ние на Тя надѣющихся,/ утверди́, Го́споди, Це́рковь,/ ю́же стяжа́л еси́// честно́ю Твое́ю Кро́вию.**

ЕКТЕНІ́Я МА́ЛАЯ...

КОНДА́К ПРЕДПРАЗДНСТВА СРѢ́ТЕНИЯ, ГЛАС 6:

Со Отце́м Сло́во Сый неvíдимо,/ ны́не у́бо víдимь е́сть плóтию:/ неизрече́нно от Де́вы роди́ся/ и на ру́ку ста́рчу даётся святи́телю./ Поклоні́мся Тому́// и́стинному Бо́гу на́шему.

И́кос:

Свяще́нная трапѣ́за предлага́ется,/ празднолю́бных собо́р днесь, предпразднственна́я нося́щи зна́мения,/ Го́спода четы́редесятиднёвна, из Де́вы стра́шное рождество́,/ и ста́рца честна́го объ́ятие,/ и че́стна страда́льца па́мять,/ предпразднственна́я хвалы́ припева́юще// и́стинному Бо́гу на́шему.

КОНДА́К МУ́ЧЕНИКА ТРИ́ФОНА, ГЛАС 8, ПОДО́БЕН: «Я́КО НАЧА́ТКИ...»:

Тро́йческою твёрдостью/ многобо́жие разруши́л еси́ от ко́нecь, всесла́вне,/ че́стен во Христѣ́ быв, и, победи́в мучи́тели во Христѣ́ Спаси́теле,/ ве́нец при́ял еси́ му́ченичества твоего́/ и дарова́ния Божѣ́ственных исцелѣ́ний,// я́ко непобеди́мь.

СЕДА́ЛЕН МУ́ЧЕНИКА ТРИ́ФОНА, ГЛАС 4, ПОДО́БЕН: «СКО́РО ПРЕДВА́РИ...»:

Боле́знями, блаже́нне, наслажда́ясь плотскі́ми,/ Божѣ́ственную и неболе́зненную пи́щу досто́йно воспри́ял еси́,/ ве́нец безсме́ртія от Бо́га приѣ́м./ Те́мже и исцелѣ́ний ре́ки источа́еши// лю́бовию прибега́ющим, му́чениче, в кров тво́ю.

Сла́ва Отцу́ и Сы́ну и Свято́му Ду́ху и ны́не и присно и во ве́ки веко́в, аминь.

СЕДА́ЛЕН ПРЕДПРАЗДНСТВА СРѢ́ТЕНИЯ, ГЛАС 1, ПОДО́БЕН: «КА́МЕНИ ЗАПЕЧА́ТАНУ...»:

Сокро́вище ве́чное Жі́зни вся́ческих,/ мене́ ра́ди под зако́ном младе́нствова́вый,/ дре́вле начерта́вый на скрижа́лех зако́н на горе́ Сина́йстей,/ да вся измени́ши от зако́нныя дре́вня рабо́ты,/ сла́ва благоутро́бію Твоему́, Спа́се,/ сла́ва соше́ствию Твоему́, Еди́не Человеколю́бче.

ПЕСНЬ 4:

КАНО́Н ВОСКРЕ́СНЫЙ, ГЛАС 3:

Хор:

Ирмос: **Положи́л еси́ к нам твёрдую́ лю́бовь, Го́споди,/ Единоро́днаго бо**

**Твоего Сына за ны на смерть дал еси./ Тёмже Ти зовём, благодаряще://
слава силе Твоей, Господи.**

Припев: Слава, Господи, святому Воскресению Твоему.

**Тропарь: Язвы, Христэ, и раны милостивно подъял еси,/ досаду по ланитом уда-
рений терпя, и долготерпеливне оплевания нося,/ имиже соделал еси мне
Спасение:// слава силе Твоей, Господи.**

Припев: Слава, Господи, святому Воскресению Твоему.

**Тропарь: Телом смертным, Животэ, смерти причастился еси,/ страсти ради
нищих, и воздыхания убогих Твоих,/ и растлив тлеющего, Препрос-
лавление, // всех совоскресил еси, яко прославися.**

Припев: Пресвятая Богородице, спаси нас.

**Богородичен: Помяни, Христэ, еже стяжал еси стадо страстию Твоею:/ Препрос-
лавленные Твоея Матере милостивныя мольбы прием,/ и посетив
озлобленное, // избави силою Твоею, Господи.**

Канон Богородицы, глас 3:

Припев: Пресвятая Богородице, спаси нас.

**Тропарь: Иже поставивый горы, Владыко, мерилом Божественного разума,/ отсе-
чен еси от Девы Камень, кроме рук:// силе Твоей слава, Человеколюбче.**

Припев: Пресвятая Богородице, спаси нас.

**Тропарь: Недугующее исцелил еси наше естество, Владыко,/ скорейшую из Девы
сию соединив цельбу, // Твое Пречистое, Слове, Божество.**

Канон предпразднства Сретения, глас 4:

Припев: Слава Тебе, Боже наш, слава Тебе.

**Тропарь: На облаце носим светоноснем плотски, яко Солнце Правды,/ Бо-
жественныя зари Своя предлагает днесь // и предозаряет храм Свой. (Дважды)**

Припев: Слава Тебе, Боже наш, слава Тебе.

**Тропарь: Предпразднственную хвалу Владыце Церковь днесь привношает,/ и Сего, яко Жени-
ха, прияти светло готовится,/ и с Симеоном радуется;/ чини Ангельстии ужасошася,/ зряще на руках старческих // со Отцем и Духом хвалимаго, яко Сына и Бога нашего.**

Припев: Пресвятая Богородице, спаси нас.

**Богородичен: Яко скинию,/ Тя, Преславная Богородице,/ хотящи прияти законная
сень,/ закону Господа на руках носящую, // Твоею осияшеся благодатию.**

Канон мученика Трифона, глас 8:

Припев: Святыи мучениче Трифоне, мой Бога о нас.

Тропарь: Зрящих удивил еси терпения, блаженне, твердостью:/ муки бо претер-

пел еси,/ яко в чуждѣм страждѣ телеси,// мудре Трифоне.

Припев: **Святѣй мучениче Трифоне, мой Бога о нас.**

Тропарь: **Питался еси, блаженне, ранами болезней, биемь,/ ныне же наслаждаешься чистее,// присносущныя славы насыщаяся.**

Слава Отцу и Сыну и Святому Духу.

Тропарь: **Стружему телеси твоему/ железных ногтей остротою,// вжиляшися, чудне, твоея души крепость Божественною благодатию.**

И ныне и присно и во веки веков, аминь.

Богородичен: **На Тя упование мое все возлагаю,/ Мати Деве:// душу мою сохрани, яже Бога рождающая, Спаса моего.**

КАТАВАСИЯ СРЕТЕНИЯ, ГЛАС 3:

Хор: **Покрыла есть небеса добродетель Твоя, Христѣ,/ из кивота бо прошед святѣни Твоея нетленные Матере,/ в храме славы Твоея явился еси/ яко младенец руконосимь,// и исполнишася вся Твоего хваления.**

ПЕСНЬ 5:

КАНОН ВОСКРЕСНЫЙ, ГЛАС 3:

Хор:

Ирмос: **К Тебѣ утреннюю, всех Творцу,/ преимуществу всяк ум миру,/ зане свет повеления Твоя,// в нихже настави мя.**

Припев: **Слава, Господи, святому Воскресению Твоему.**

Тропарь: **Судий неправедному,/ еврейскою завистию предан быв, Всевидче,/ и всей праведне судяй земли,// Адама древняго избавил еси осуждения.**

Припев: **Слава, Господи, святому Воскресению Твоему.**

Тропарь: **Твой мир церквам Твоим, Христѣ,/ непобедимою силою Креста Твоего,// из мертвых воскресий, подаждь, и спаси души наша.**

Припев: **Пресвятая Богородице, спаси нас.**

Богородичен: **Скиния Святая, и пространнейши небес,/ яко Иже во всей твари Невместимаго Слова Божия приемши,// Единая явилася еси, Приснодево.**

КАНОН БОГОРОДИЦЫ, ГЛАС 3:

Припев: **Пресвятая Богородице, спаси нас.**

Тропарь: **Слово Божие Сын Твой, Деве,/ Содетель Адама первозданнаго,/ не создание, аще и плоть одушевлену// Себе из Тебе создал есть.**

Припев: **Пресвятая Богородице, спаси нас.**

Тропарь: **Равен Отцу Сын Твой, Деве,/ Слово Божие, Ипостась совершенна во двою естеству,// Иисус Господь, Бог совершен и Человек.**

КАНОН ПРЕДПРАЗДНСТВА СРЁТЕНИЯ, ГЛАС 4:

Припев: **Сла́ва Тебе́, Бо́же наш, сла́ва Тебе́.**

Тропарь: **Тя, Го́споди, плóтию цёрковь хотя́щи прия́ти,/ Боже́ственною Твое́ю и неизрече́нною Божества́ заре́ю/ сла́вно просвеща́шеся.**

Припев: **Сла́ва Тебе́, Бо́же наш, сла́ва Тебе́.**

Тропарь: **Тя, Го́споди, рука́ми душе́вными сподо́би прия́ти хва́лящия Твое́ смотре́ние,/ и нас, ве́рою пою́щих Тя, приими́,// я́ко Человеколю́бец.**

Припев: **Сла́ва Тебе́, Бо́же наш, сла́ва Тебе́.**

Тропарь: **Тя, Го́споди, ра́достною душе́ю прие́млющия,/ плóтию нас ра́ди хотя́ща прии́ти,// сподо́би с Симео́ном благодари́ти Тя.**

Припев: **Пресвята́я Богоро́дице, спаси́ нас.**

Богородичен: **Изба́вльшеся Тебе́ ра́ди сено́вныя служ́бы, Чи́стая,/ ра́зумом и́стинным и ве́рою твёрдо́ю// досто́йно Тя сла́вим.**

КАНОН МУЧЕНИКА ТРИФОНА, ГЛАС 8:

Припев: **Святы́й му́чениче Три́фоне, мой Бо́га о нас.**

Тропарь: **Куми́ры преле́стныя упраздни́л еси́, страстоте́рпче,/ то́кмо бо возлюби́л еси́// Христо́ву о́бразу покланя́тися.**

Припев: **Святы́й му́чениче Три́фоне, мой Бо́га о нас.**

Тропарь: **Разуме́в пресве́тлую, сла́вне страстоте́рпче,/ благода́ть Бо́га на́шего,// тоя́ ра́ди пострада́л еси́.**

Сла́ва Отцу́ и Сы́ну и Свято́му Ду́ху.

Тропарь: **Боже́ственною оза́рився благода́тию,/ усер́дно, страда́льче,// Христа́ ра́ди пострада́л еси́.**

И ны́не и при́сно и во ве́ки веко́в, ами́нь.

Богородичен: **Неизрече́нно бысть зача́тие Твое́,/ и Рожде́ство́ несказа́нно:// пребы́ла бо еси́ Чи́стая Присноде́ва.**

КАТАВА́СИЯ СРЁТЕНИЯ, ГЛАС 3:

Хор: **Я́ко ви́де Иса́иа о́бразно/ на Престо́ле превознесе́на Бо́га,/ от а́нгел сла́вы дорино́сима,/ о ока́янный, вопия́ше, аз:/ прови́дех бо вопло́щаема Бо́га,// Све́та Невече́рня, и ми́ром влады́честву́ща.**

ПЕСНЬ 6:

КАНОН ВОСКРЕ́СНЫЙ, ГЛАС 3:

Хор:

Ирмос: **Без́дна послéдняя грехо́в обы́де мя,/ и исче́зает дух мой;/ но простре́й, Влады́ко, вы́сокую Твою́ мы́щцу,// я́ко Петра́, мя, Упрáвителью, спаси́.**

Припев: **Сла́ва, Го́споди, свято́му Воскресе́нию Твоему́.**

Тропарь: **Бéздна мýлости и щедро́т обы́де мя,/ благоутро́бным снýтием Твои́м:/ вопло́щся бо, Влады́ко,// и быв в ра́бии зра́це, обожил еси́, с Собо́ю сопросла́вив.**

Припев: **Сла́ва, Го́споди, свято́му Воскресе́нию Твоему́.**

Тропарь: **Умерщвле́ние подъя́т умертви́тель,/ умерщвле́наго оживле́нно ви́дя:/ Твоего́ воскресе́ния си́и суть, Христé, о́бразы,// и стра́сти Твоея́ пречи́стыя победи́тельная.**

Припев: **Пресвята́я Богоро́дице, спаси́ нас.**

Богородичен: **Пречи́стая, я́же Еди́на Созда́телю и челове́ком, па́че ума́ исхода́таившая,// Сы́на Твоего́ мýлостива прегре́шным рабо́м Твои́м, и побóрника бы́ти, помолы́ся.**

КАНО́Н БОГОРО́ДИЦЫ, ГЛАС 3:

Припев: **Пресвята́я Богоро́дице, спаси́ нас.**

Тропарь: **Вообража́ется е́же по нам, от Нетле́нных Дéвы,/ И́же о́бразом неразли́чный, о́бразом быв и ве́щию,// не прело́жся Божество́м Челове́к.**

Припев: **Пресвята́я Богоро́дице, спаси́ нас.**

Тропарь: **Бéздны грехо́в, и бу́ри страсте́й, Пречи́стая, изба́ви мя:/ еси́ бо приста́нище, и бéздна чудес,// ве́рою притека́ющим к Тебе́.**

КАНО́Н ПРЕДПРАЗДНСТВА СРЕ́ТЕНИЯ, ГЛАС 4:

Припев: **Сла́ва Тебе́, Бо́же наш, сла́ва Тебе́.**

Тропарь: **Пéсни, я́коже цветы́, испле́тше днесь,/ предугото́вим ве́рою благода́рения венéц Божéствен Влады́це,// мы́сленно приити́ хотя́щему.**

Припев: **Сла́ва Тебе́, Бо́же наш, сла́ва Тебе́.**

Тропарь: **Ру́ки душе́вные Бо́гу угото́вим, я́коже Симео́н ста́рец,/ и в храм Божéственных сла́вы Его́ приходя́ща,// Того́ с весéлием воспри́йдем.**

Припев: **Сла́ва Тебе́, Бо́же наш, сла́ва Тебе́.**

Тропарь: **Творца́ веко́в ста́рец я́ко Младéнца приéм,/ Бо́га Превéчнаго разуме́ и Свéта язы́ков// во сла́ву Изра́иля, Христá.**

Припев: **Пресвята́я Богоро́дице, спаси́ нас.**

Богородичен: **Пи́шуще Богови́дно трóстию духо́вною Тя, проро́цы, Дéво,/ храм, и сень, и Божéственный дом Влады́це всех,// о Тебе́ украша́хуся.**

КАНО́Н МУЧЕНИКА ТРИ́ФОНА, ГЛАС 8:

Припев: **Святы́й мучени́че Три́фоне, мой Бо́га о нас.**

Тропарь: **Изуши́в ме́рзкия же́ртвы,/ и приноше́ния скве́рная, и неистовства идо́льская,/ твои́ми крове́ми, сла́вне, напо́йл еси́// вся церко́вная благо́родная, Три́фоне, прозябе́ния. (Дважды)**

Сла́ва Отцу́ и Сы́ну и Свято́му Ду́ху.

Тропарь: Стру́пи му́ченичестии, я́ко ми́ро, благоуха́ют,/ кро́вь страда́лец источа́ет исцеле́ния,/ оста́нцы же те́ла ду́ши освяща́ют// ве́рою каса́ющихся им.

И ны́не и прѣсно и во ве́ки веко́в, ами́нь.

Богородичен: Я́ко одушевле́н киво́т, прия́ла еси́ Сло́во Безнача́льное,/ я́ко Свято́е Святы́лище, зижди́теля вме́стила еси́,/ я́ко Престо́л огнезра́чен, но́сиши Влади́ку, Богома́ти, всея́ тва́ри.

КАТАВА́СИЯ СРЕ́ТЕНИЯ, ГЛАС 3:

Хор: Возопи́ к Тебе́ ви́дев ста́рец очѣма спасе́ние,/ е́же лю́дем при́иде от Бо́га,// Хри́сте, Ты Бог мой.

ЕКТЕНИ́Я МА́ЛАЯ...

КОНДА́К ВОСКРЕ́СНЫЙ, ГЛАС 3, ПОДО́БЕН: «ДѢ́ВА ДНЕСЬ...»:

Воскре́сл еси́ днесь из гроба́, Ще́дре,/ и нас возве́л еси́ от врат сме́ртных;/ днесь Ада́м лику́ет, и ра́дуется Ё́ва,/ вку́пе же и проро́цы с патриа́рхи воспева́ют непреста́нно// Божество́нную держа́ву вла́сти Твоея́.

И́кос:

Не́бо и земля́ днесь да ликовству́ют,/ и Христá Бо́га единому́дренно да воспева́ют,/ я́ко у́зники от гробо́в воскресѣ́./ Сра́дуется вся тварь,/ принося́щи досто́йныя пе́сни Созда́телю всех,/ и Изба́вителю на́шему:/ я́ко челове́ки из а́да днесь, я́ко Жизнода́тель, совозве́д,/ на небеса́ совозвыша́ет,/ и низлага́ет вра́жия возноше́ния,/ и врата́ а́дова сокруша́ет/ Божество́нную держа́вою вла́сти Своея́.

ПЕСНЬ 7:

КАНОН ВОСКРЕ́СНЫЙ, ГЛАС 3:

Хор:

Ирмос: Я́коже дре́вле/ благоче́стивыя три о́троки оросѣ́л еси́/ в пла́мени халде́йством,/ све́тлым Божества́ огне́м/ и нас озари́,/ благослове́н еси́, взыва́ющия,// Бо́же оте́ц на́ших.

Припев: Сла́ва, Го́споди, свято́му Воскресе́нию Твоему́.

Тропарь: Раздра́ся церко́вная све́тлая катапетáсма, в распя́тии Содо́теля,/ сокро́венную в Писа́нии явля́ющи ве́рным и́стину,// благослове́н еси́, зову́щим, Бо́же оте́ц на́ших.

Припев: Сла́ва, Го́споди, свято́му Воскресе́нию Твоему́.

Тропарь: Прободе́нным Твоѣм ре́бром,/ ка́плями Богото́чныя Животворя́щая Кро́ве, Христé,/ смотре́тельно ка́плющия на зе́млю,/ сущих от землі́ возсо-

здáл есѣ, // благословѣн есѣ, зовущих, Бóже отѣц нáших.

Припев: Пресвятáя Трѳице, Бóже наш, слáва Тебе.

Трѳичен: Дúха Благáго со Отцém прослáвим, и с Сыном Единорóдным, / Едíно в Трѳиэх вѣрнии чтúще Начáло, и Едíно Божество: // благословѣн есѣ, зовúще, Бóже отѣц нáших.

КАНО́Н БОГОРÓДИЦЫ, ГЛАС 3:

Припев: Пресвятáя Богорóдице, спасѣ нас.

Тропарь: Ёже слáвы Госпóдь, и держáй гóрния сѣлы, / Ёже со Отцém седáй, дѣвственныма рукáма носѣмъ: / благословѣн есѣ, Гóсподи, Бóже отѣц нáших.

Припев: Пресвятáя Богорóдице, спасѣ нас.

Тропарь: Яра смерть, но сию Тебѣ бесѣдовавшую погубѣл есѣ, / от Дѣвы Богоипостáсная плоть быв: // благословѣн есѣ, Гóсподи, Бóже отѣц нáших.

КАНО́Н ПРЕДПРАЗДНСТВА СРѢТЕНИЯ, ГЛАС 4:

Припев: Сла́ва Тебѣ, Бóже наш, сла́ва Тебѣ.

Тропарь: Цѣрковь, предукрáшшиися зарѣю мýсленною, / любóвию Влады́ки всех и Творца, // воспрѣяти Егó гóтовится и рáдостная Семý плетѣт восхождѣния.

Припев: Сла́ва Тебѣ, Бóже наш, сла́ва Тебѣ.

Тропарь: Ёже в нѣдрех неопѣсанно сýща Отѣческих Сло́во, / Сы́на Своегó Единорóднаго, Мáтернии рúце нося́щии в цѣрковь плóтию // по закóну я́ко Младѣнца вно́сят.

Припев: Сла́ва Тебѣ, Бóже наш, сла́ва Тебѣ.

Тропарь: Вселѣвыйся Бог во чрѣво Дѣвы / на рукáх Симеóна, // я́ко на престóле óгненнем, днесь седѣт.

Припев: Пресвятáя Богорóдице, спасѣ нас.

Богородичен: Вѣдеша слáву Твою́ язýцы вси, Ед́ина Чѣстая, / тѣмже твáрей всех Ты благочѣстно Царѣцу ублажáют // и Богомáтерь пáче естества́ непрестáнно слáвят.

КАНО́Н МýЧЕНИКА ТрѳО́НА, ГЛАС 8:

Припев: Святýй мýчениче Трѳоне, мой Бóга о нас.

Тропарь: Венценóсец, ликúеши с лѣки мýченик, веселя́ся, / прѣлестъ бо победѣв слóвом ѣстинным, / воспева́еши рáдуясь: // отѣц нáших Бóже, благословѣн есѣ. *(Дважды)*

Сла́ва Отцý и Сы́ну и Святóму Дúху.

Тропарь: Влады́ка вся́ческих Своѣими страдáньми венча́ет мýченика / и сегó водворя́ет в сѣлех Небѣсных, / зовúща и глагóлюща: // отѣц нáших Бóже, благословѣн есѣ.

И ныне и присно и во веки веков, аминь.

Богородичен: **М**лада носящи Младенца,/ прежде всех век Бога, Всенепорочная, из Тебе воплощенна,/ не престай молящи спасти поющих:// отец наших Боже, благословен еси.

КАТАВАСИЯ СРЕТЕНИЯ, ГЛАС 3:

Хор: **Т**ебе во огни оросившаго отроки богословившия,/ и в Деву Нетленну всельшагося Бога Слова пойм,/ благочестно поюще:// благословен Бог отец наших.

ПЕСНЬ 8:

КАНОН ВОСКРЕСНЫЙ, ГЛАС 3:

Хор:

Ирмос: **Н**естерпимому огню соединившеся,/ Богочестия предстояще, юноши,/ пламенем же невреждени,/ Божественную песнь пояху:/ благословите, вся дела Господня, Господа// и превозносите во вся веки.

Припев: **С**лава, Господи, святому Воскресению Твоему.

Тропарь: **Р**аздрася церковная светлость,/ егда крест Твой водрузился на лобнем,/ и тварь преклоняшеся страхом, воспевающи:/ благословите вся дела Господня, Господа,// пойте и превозносите Его во веки.

Припев: **С**лава, Господи, святому Воскресению Твоему.

Тропарь: **В**оскресл еси Христэ из гроба,/ и падшаго прельщением, древом исправил еси Божественною силою, зовуща и глаголюща:/ благословите вся дела Господня, Господа,// пойте и превозносите Его во век.

Припев: **П**ресвятая Богородице, спаси нас.

Богородичен: **Х**рам Божий явилася еси Вместилище одушевленное, и Ковчег:/ Творца бо человеком, Богородительнице Пречистая, примирила еси,/ и достойно вся дела поем Тя,// и превозносим во вся веки.

КАНОН БОГОРОДИЦЫ, ГЛАС 3:

Припев: **П**ресвятая Богородице, спаси нас.

Тропарь: **Ч**ины умныя, яко Мати, превозшла еси,/ и близ Бога бывши:/ благословим, Благословенная Дево, рождество Твое,// и превозносим во вся веки.

Припев: **П**ресвятая Богородице, спаси нас.

Тропарь: **Д**оброту естественную, краснейшу/ показала еси, облиставшую плоть Божества./ Благословим, Благословенная Дево, рождество Твое,// и превозносим во вся веки.

КАНОН ПРЕДПРАЗДНСТВА СРЕТЕНИЯ, ГЛАС 4:

Припев: **С**лава Тебе, Боже наш, слава Тебе.

Тропарь: **Р**уце распростёр Симеон/ и предпочиш душу Божественными деяньми,/ младенствовавшего Господа токмо за благодать прият,/ вопия с веселием Ему:// благословите, вся дела Господня, Господа.

Припев: **Слава Тебё, Боже наш, слава Тебё.**

Тропарь: **С**вет благодати Христова просия нам,/ хотя ввести в храм Свой,/ всесеновная начертания претворяя яко Обновитель/ воистинну вопиющим:// благословите, вся дела Господня, Господа.

Припев: **Слава Тебё, Боже наш, слава Тебё.**

Тропарь: **П**редвечнаго Бога, благоволившаго нас ради младенствовати/ и на руках приемлема быти старца Симеона, // благословите, вся дела Господня, Господа.

Припев: **Пресвятая Богородице, спаси нас.**

Богородичен: **И**же за благодатьню многую вочеловечся Христос/ из Тебё, Пречистая, нас ради,/ приятна днесь Отцу приношает очищения,/ Един Сый Пречист и Пренепорочен/ и Ты Едину Чистейшую соблюдая Пресвятую.

Канон мученика Трифона, глас 8:

Припев: **Святый мучениче Трифоне, мой Бога о нас.**

Тропарь: **Д**аже до усекновения и опаления,/ даже до кровепролития,/ даже и до смертных кончины пострадал еси,/ сопротивляясь противу греху, мучениче Христов,/ ныне же, жизнь во Христе сокровенную прием, взываеши:/ священницы, благословите, // людие, превозносите во вся веки.

Припев: **Святый мучениче Трифоне, мой Бога о нас.**

Тропарь: **Н**а земли подвизался еси, с нечестивыми борясь,/ противу лестней и богоборней лести горце нудящим;/ на Небесех же, Трифоне, наслаждаешься, венец нося,/ и со Ангелы ликуеши, поя:/ отроцы, благословите, священницы, воспойте, // людие, превозносите Господа во веки.

Благословим Отца, и Сына, и Святаго Духа, Господа.

Тропарь: **М**учительское изобличил еси безбожие, всеумдре,/ и демонское богоборство угасил еси струями кровей твоих;/ в Троице Единого Бога достолепне и чисте возвещая/ и чествуя, взывал еси:/ отроцы, благословите, священницы, воспойте, // людие, превозносите во вся веки.

И ныне и присно и во веки веков, аминь.

Богородичен: **Г**лаголом Твоим последующе,/ ублажаем, Пречистая, Ты, Блаженную,/ плотию рождшую воистинну Блаженного,/ Света живущаго незаходямаго,/ и Светонаставника, и Светодавца Владыку./ Егоже отроцы благословят,/ священницы воспевают// и превозносят во вся веки.

КАТАВА́СИЯ СРѢТЕНИЯ, ГЛАС 3:

Хор: Хва́лим, благословѣм, покланя́емся Го́сподеви, пою́ще и превозно́сѣе во вся ве́ки.

Нестерпи́мому огню́ соединѣ́вшемуся,/ Богоче́стия предсто́яще, ю́ноши,/ пла́менем же невреждѣ́ни,/ Божѣ́ственную песнь по́яху:/ бла-
гослови́те, вся дела́ Господня́, Го́спода// и превозно́сите во вся ве́ки.

Диакон: Богоро́дицу и Ма́терь Свѣта в пе́снях возвели́чим.

ПЕСНЬ ПРЕСВЯТО́Й БОГОРО́ДИЦЫ:

Хор: Вели́чит душá Моя́ Го́спода,/ и возра́довася дух Мой о Бо́же Спа́се Моём.
Че́стнейшую Херувѣ́м/ и Сла́внейшую без сравне́ния Серафѣ́м,/ без
истле́ния Бо́га Сло́ва ро́ждшую,/ су́щую Богоро́дицу, Тя велича́ем.

Я́ко призре́ на смире́ние рабы́ Своея́,/ се бо от ны́не ублажа́т Мя вси ро́ди.

Че́стнейшую Херувѣ́м/ и Сла́внейшую без сравне́ния Серафѣ́м,/ без
истле́ния Бо́га Сло́ва ро́ждшую,/ су́щую Богоро́дицу, Тя велича́ем.

Я́ко сотвори́ Мне вели́чие Си́льный,/ и свя́то Ё́мя Егó, и ми́лость Егó в
ро́ды родо́в боя́щимся Егó.

Че́стнейшую Херувѣ́м/ и Сла́внейшую без сравне́ния Серафѣ́м,/ без
истле́ния Бо́га Сло́ва ро́ждшую,/ су́щую Богоро́дицу, Тя велича́ем.

Сотвори́ держа́ву мы́шцею Свое́ю,/ расточи́ го́рдыя мы́слию се́рдца их.

Че́стнейшую Херувѣ́м/ и Сла́внейшую без сравне́ния Серафѣ́м,/ без
истле́ния Бо́га Сло́ва ро́ждшую,/ су́щую Богоро́дицу, Тя велича́ем.

Низложи́ си́льныя со престо́л, и вознесе́ смиренны́я;/ а́лчущия испо́лни
благ, и богаты́яся отпу́сти тщи.

Че́стнейшую Херувѣ́м/ и Сла́внейшую без сравне́ния Серафѣ́м,/ без
истле́ния Бо́га Сло́ва ро́ждшую,/ су́щую Богоро́дицу, Тя велича́ем.

Воспри́ят Изра́иля о́трока Своего́, помяну́ти ми́лости,/ я́коже глаго́ла ко
отце́м нашим, Авра́amu и се́мени егó, да́же до ве́ка.

Че́стнейшую Херувѣ́м/ и Сла́внейшую без сравне́ния Серафѣ́м,/ без
истле́ния Бо́га Сло́ва ро́ждшую,/ су́щую Богоро́дицу, Тя велича́ем.

ПЕСНЬ 9:

КАНОН ВОСКРЕ́СНЫЙ, ГЛАС 3:

Хор:

Ирмос: Но́вое чу́до и Боголе́пное:/ деви́ческую бо дверь затворѣ́нную/ я́ве про-
хо́дит Госпо́дь,/ наг во вхо́де,/ и плотоно́сец яви́ся во исхо́де Бог,/ и пребы-
ва́ет дверь затворѣ́на./ Си́ю неизрече́нно// я́ко Богома́терь, велича́ем.

Припев: Сла́ва, Го́споди, свято́му Воскресе́нию Твоему́.

Тропарь: Страшно есть зрети Тебѣ, Творца/ на древе воздвигена, Слове Божий,/ плоти же страждуща Бога за рабы,/ и во гробе бездыханна лежаща,/ мертвые же из ада разрешивша:// темже Тя, Христѣ, яко Всесильна, величаем.

Припев: Слава, Господи, святому Воскресению Твоему.

Тропарь: Из тли смертных спасл еси, Христѣ, праотцы,/ положен быв во гробе мертв,/ и живот процвел еси, мертвые воскресив,/ руководив естество человеческое ко свету,/ и в Божественное облек нетление:// Темже источника Тя света присно живаго величаем.

Припев: Пресвятая Богородице, спаси нас.

Богородичен: Храм и Престол явилася еси Божий,/ воньже вселися Иже в вышних сый,/ рождѣйся неискусомужно, Всечистая,/ плоти Твоея не отверз всячески врата./ Темже непрестанными, Чистая, молитвами Твоими,// языки варварския скоро до конца покорй.

Канон Богородицы, глас 3:

Припев: Пресвятая Богородице, спаси нас.

Тропарь: Сбытость Твоих похвал, Дево,/ благочестивым верным отнюд не бывает:/ желанием бо желание присно Божественное, и Духовное приемлюще,// яко Матерь Божию, величаем.

Припев: Пресвятая Богородице, спаси нас.

Тропарь: Положил еси нам непостыдную Молитвенницу,/ Тебе рождшую, Христѣ./ Тоя мольбами Милостива подавши нам Духа, Подателя благодати,// от Отца Тобою происходяща.

Канон Предпразднства Сретения, глас 4:

Припев: Слава Тебѣ, Боже наш, слава Тебѣ.

Тропарь: Душевными Тя руками сподоби мя, Благодетелю,/ воспрियти, якоже древле Симеон,/ и насладитися Твоея благодати:/ Ты бо еси Един желание// и сладость, Превозжеленный.

Припев: Слава Тебѣ, Боже наш, слава Тебѣ.

Тропарь: Мысленно вжегше вси добродетелей свещи,/ любовью с Симеоном и Анною священосцы предусрящем,// Христу хотящу приити освятити поющия Его.

Припев: Слава Тебѣ, Боже наш, слава Тебѣ.

Тропарь: Днесь в храме Симеон старец руками прият Христа, Бога нашего,/ и возопи, глаголя:// ныне отпускаеши раба Твоего, Владыко.

Припев: Пресвятая Богородице, спаси нас.

Богородичен: Паче сущих восприят из Тебе плоть Слово Вышняго,/ Чист Сый, прино-

шаёт Безначальному Отцу очищение// и очищает любовь Тя, Божию Матерь, величающая.

КАНОН МУЧЕНИКА ТРИФОНА, ГЛАС 8:

Припев: **Святы́й мучениче Три́фоне, мой Бо́га о нас.**

Тропарь: **Па́че ви́димых мученическое ча́яние по́лно безсмер́тнаго наслажде́ния:/ ви́дится сих наде́жда, полна́ благоуха́ния,/ и ра́дости, и све́тлости неизре́ченныя.// Те́мже досто́йно ублажа́ются.**

Припев: **Святы́й мучениче Три́фоне, мой Бо́га о нас.**

Тропарь: **Свет был еси́ вторы́й, к Све́ту пе́рвому прибли́жився,/ заре́ю Его́ просве́щаемъ и вообража́емъ, Три́фоне му́дре,/ и Того́ пода́тельными светлосты́ми сия́я;// тем тя вси ублажа́ем.**

Сла́ва Отцу́ и Сы́ну и Свято́му Ду́ху.

Тропарь: **Яви́лся еси́ неужа́сен в по́двизех, страстоте́рпче,/ яви́лся еси́ и́стинно те́зоименит Божество́нней и святе́й пи́щи,/ ея́же ны́не восприе́мля и я́сно наслажда́ясь,// спасе́ние чту́щим тя нам испроси́.**

И ны́не и прісно и во ве́ки веко́в, ами́нь.

Богородичен: **Умертви́ мудрова́ние, Богороди́тельнице, плоти́ моея́/ и оживи́ душе́вное умерщвле́ние де́йством И́стинныя Жы́зни,/ из Тебе́ ро́ждшиися плоти́ю за неизрече́нное благоутро́бие// и спасе́ние пою́щих Тя.**

КАТАВА́СИЯ СРЕ́ТЕНИЯ, ГЛАС 3:

Хор: **В зако́не се́ни и писа́ний/ о́браз ви́дим, ве́рнии:/ всяк му́жеский пол, ло́жесна́ разверза́я, свят Бо́гу./ Тем перворо́жденное Сло́во,/ Отца́ Безнача́льна,/ Сы́на Первородя́щася Ма́терию неискусому́жно,// велича́ем.**

ЕКТЕНІЯ МА́ЛАЯ...

Диакон: **Свят Госпо́дь Бог наш...**

ЕКСАПОСТИЛА́РИЙ ВОСКРЕ́СНЫЙ ТРЕ́ТИЙ:

Я́ко Христо́с воскресе́, никто́же да не ве́рует:/ яви́ся бо Мари́и, пото́м же ви́ден бысть на село́ идущима,/ тайнником же па́ки яви́ся возлежа́щим еди́нона́десятим,/ ихже крещáти посла́в,/ на небеса́ вознесе́ся, отню́дуже и снѣде,// утвержда́я пропове́дание мно́жества зна́мений.

Сла́ва Отцу́ и Сы́ну и Свято́му Ду́ху.

СВЕТИ́ЛЕН МУЧЕНИКА, ПОДО́БЕН: «ДУ́ХОМ ВО СВАТИ́ЛИЩИ...»:

Пи́щи наслажда́ясь пресла́вныя и Божество́нныя,/ А́нгелом еди́ножи́тель был еси́, блаже́нне:/ гу́си пасы́й в лузѣх, от Бо́га прия́л еси́ благода́ть исцеле́ний,/ Три́фоне велико́мучениче,// исцеля́ти челове́ческия не́мощи и недуги́.

И ны́не и прѣсно и во ве́ки веко́в. Ами́нь.

СВЕТИЛЕН ПРЕДПРАЗДНСТВА:

Отроча́ принѣсши Всенепорѣчная Остроковѣца во святилище/ совершити
яже по закону,/ и Сие на руки яко прият Симеон праведный,/ противу изрече
Девѣце:/ Сей лежит на падение и на востание многим// и во знамение в мире.